



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Stimvlvs Compvnctionis, Et Soliloqvia**

**Juan <de Jesús Maria>**

**Coloniae, 1611**

De consideratione causæ paßionis Christi. Cap. 29.

**urn:nbn:de:hbz:466:1-45624**

rum insurrexerunt contra me, & quasi leones cucurrerunt ad prædam vitæ meæ. Et repræsentabitur tibi imago filij Dei patientis, & morientis pro te, atque emētis magno pretio charissimam libertatem tuam. Et commouebuntur viscera tua ad spectaculum dolorum, & opprobriorum, quib⁹ scis te fuisse redemptum. Si fideliter feceris hæc, & mutato consilio conuersus fueris ad me, odorabor sacrificium cordis tui, & amabo te quasi fidelissimum seruum, & amicum meum.

*De consideratione causæ Passionis Christi.*

CAP. XXIX.

**V**Tinam cogitares, fili, causam acerbissimæ passionis meæ, vt motus consideratione tantæ charitatis, qua dilexi te, desineres iam multiplicare peccata, & perdere pretiosam valde animam tuam. Ego certè non propter merita tua, neque ad instantiam tuam, sed motu proprio infinitæ bonitatis meæ, in charitate perpetua te dilexi, ideoque attrahere te curo miserans tui, & auertere te à mortali plaga delictorum.



rū tuorū. Ab æterno decreui visitare te, cū  
 essem in sinu æterni Patris mei, & exina-  
 niui meipsum formam serui accipiens, ut  
 eleuarē te ad formam Dei, & efficerem  
 consortem hæreditatis meæ, Hęc est cau-  
 sa illa passionis meæ, quæ te plurimum  
 mouere deberet ad compunctionē, & ad-  
 mirationem inæstimabilis amoris mei.  
 Tu verò, fili, parum curas æternam dile-  
 ctionem hanc, sed agis mecum tam infide-  
 liter, ac si ego semper fuisset inimicus  
 tuus. Mirum est, quomodo possunt ferre  
 viscera tua tantam vim ineffabilis mise-  
 ricordia meæ, sine sensu contritionis.  
 Certe per hoc patet, te esse nimis proter-  
 uum, & repugnare pertinaciter inspirati-  
 onibus meis, quibus illumino te. Verum  
 si æterna charitas mea te non mouet, cō-  
 sidera saltem quid causæ habuerint ho-  
 mines, ad procurandam passionem, &  
 mortem, quam pertuli pro te: & videbis  
 magnitudinem malitiæ, & duritię tuæ,  
 quæ crescit ex cōparatione amoris mei.  
 Certè si rogasses Phariseos, & alios ini-  
 micos meos qua de causa coniurauerint  
 aduersus innocentiam meam, & abstule-  
 rint me de terra; respondebunt, quod di-  
 xerunt in concilio suo: Quid facimus,  
 quia hic homo multa signa facit, si dimit-  
 timus

timus



timus eum sic, omnes credent in eum. Ecce fili causam, quam inuenerunt hostes mei ad crucifigendum me. Feci eis multa bona, sanauī ægrotos eorum, mundauī leprosos ipsorum, suscitauī mortuos illorum, & infinita mansuetudine tolerauī odium eorum: & tamen ipsi putauerunt expedire sibi tollere me de terra, propter signa hæc, quæ in medio illorum operabar. Circumdederunt me vituli multi, tauri pingues obsederunt me. Vide ergo, fili, ad quantam calamitatem descenderim causa salutis tuæ, ut ab illis peiora mala ferrem, quibus meliora bona contuleram. Quod si neque ratio hæc mouet auersam animam tuam, cōsidera saltem, quæ causa passionis meæ fuerit ex parte tui, & inuenies grauiā delicta, quibus prouocasti iram Clementissimi Patris mei. Et certè incredibilis duritia videtur, quod cum scias te nō meruisse misericordiam, quam feci tibi, sed iram, qua te perderem in gehennam, perseueres tot diebus in auersione, & inimicitia mea. Quomodo in tantum excæcatus es, fili, ut manifestissimam lucem non aspicias, & fortissimæ veritati repugnes? O fili Adæ, quàm longe recedis à salute tua, dum resistis dulcissimæ bonitati meæ! Cesset iam, fili, insania



nia hæc, quam qui audierit, obstupescet super cæcitate tua. Satis luctatus es cum misericordia mea: cede iam mihi cupienti victoriam hanc, qua exultabit tota Ierusalem sponsa mea, & amantissima mater tua. Ego nihil meriti inueni in te, propter quod te redimerem, sed inueni peccata tua, quæ respexi ex magnitudine misericordiæ meæ: Vtere ergo liberalitate hac & conuertere infirmus ad benignissimum medicum tuum, cæcus ad purissimum lumen oculorum tuorum, filius alienus ad patrem tuum. Ego suscipiam te extensis brachijs, & ereptum de miserimo statu inimicitiae meæ, traducam te ad hæreditatem filiorum Dei, quorum nomina scripta sunt in libro vitalissimæ vitæ meæ.

*De consideratione capturæ Christi.*

CAP. XXX.

**M**irabilia valdè sunt mysteria passionis meæ, fili, quæ si mutata voluntate considerares, anima tua per gratiam meam adhæreret mihi, & in æternum nollet à me recedere. Tu propter multa, & graua peccata, quibus prouocasti indigna